

Manfred Zirkelbach

MaZi-Ned auszudenke

Achdung Rodfohrer

Es muess scho was ganz Bsondersch sei, wann sich onnere Landkreisbrommis, odr die, wu sich defür halle, midds Fohrrod off so e sogenennd Bädertour mache. Vos hömm die do derbei ein Riesengscheis draüs gemochd, in Könichshofe sinn Böller gschosse worn, die Pedal-Karawane is vom B(a)ehr off en Waach geschickt on in Neüschd vom Bruno in Empfang genomme worn.

Aach onner Landkreis-Thomas wor midde dinn in däre Stramplprozessio. Zugawe, här machd gor kee so schlachd Figur, aach wanns Hömmle e wenig schband ömm die Brust römm. Ower Respekt, här machd sich off jeden Fall als eifricher Rodfohrer zum Fürbild für sei Beamde on Ogschdelde im Landroastamt. Den werd mer jetzt sowieso öftersch senn off den neüe Saaletalrodwaach, wanns bei die Schwiechermuedder in Aberschbich (Unterebersbach) Klöss on dicke Bohne gidd.

Für den Lintnersch Edi, dem Pauli vo Kissinge, seh ich schworz. Des könnnd sei letzt Schoppetour gewasd sei, wäll här ohne Zweifl im dringende Verdochd stett, dass här im kommende Frühjohr bei däre Wohl in Kissinge Bodes (Baden) gedd. Aach där Alrichtersch Bruno sölled sich demnächd e bsondersch groess Klingl no sei Fohrrod mach, wann här off Tour durch die Neüschd strampelt.

Also, jetz gilts, auf gedds, nauf aufs Rod, on düchdich neigetrade, nei en Drahtesel, Tratesel.

Ned auszudenke